

სახელმწიფო შესყიდვის შესახებ ხელშეკრულება N149

ქ. დმანისი

12 ოქტომბერი 2018 წელი

ერთი მხრივ, დმანისის მუნიციპალიტეტის მერია, წარმოდგენილი დმანისის მუნიციპალიტეტის მერის, გიორგი ტატუაშვილის სახით (შემდგომში - შემსყიდველი), მისამართი: ქ. დმანისი, წმ. ნინოს №41

საიდენტიფიკაციო კოდი: №228 928 391

ტელეფონის ნომერი: 0(360) 22 11 53

საბანკო რეკვიზიტები: სახელმწიფო ხაზინა TRSGE22

ანგარიშის ნომერი: GE24NB0330100200165022

და მეორე მხრივ, შპს „#2 საგზაო საექსპლუატაციო სამმართველო“, წარმოდგენილი დირექტორის ლევან ჩაგელიშვილის სახით (შემდგომში - მომწოდებელი), მისამართი: ქ. ბოლნისი, დავით აღმაშენებლის 60გ

საიდენტიფიკაციო კოდი: 225372352

ტელეფონის ნომერი: +995 599 53 42 61

საბანკო რეკვიზიტები: ს/ს „საქართველოს ბანკი“

ბანკის კოდი: BAGAGE22

ანგარიშის ნომერი: GE27BG0000000891880501

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“.

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT180013120) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტის დასახელება და შესაბამისი CPV კოდი

1. ხელშეკრულებით გათვალისწინებულ შესყიდვის ობიექტს წარმოადგენს ქ. დმანისის ქუჩების მოასფალტების, სოფ. დიდი დმანისისა და სოფ. ვარდისუბნის რ/ზ არხების მოწყობის სამუშაოები (შემდგომში - სამუშაო).

2. ამ მუხლის პირველი პუნქტით გათვალისწინებული შესყიდვის ობიექტის CPV კოდია: 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები, 45233110 - საავტომობილო გზების მშენებლობა, 45247110 - არხის მშენებლობა.

მუხლი 2. ხელშეკრულების ღირებულება

ხელშეკრულების ღირებულება შეადგენს 561 350 (ხუთასსამოცდაერთი ათას სამასორმოცდაათი) ლარს, საქართველოს კანონმდებლობით გათვალისწინებული გადასახადების ჩაღვლით (დაფინანსების წყარო: ადგილობრივი ბიუჯეტი).



მუხლი 3. სამუშაოს შესრულების ვადა
მიმწოდებელი ვალდებულია ხელშეკრულებით გათვალისწინებული სამუშაო განახორციელოს:

1.1. ქ.დმანისის ქუჩების მოასფალტება - ხელშეკრულების გაფორმებიდან 90 (ოთხმოდდაათი) კალენდარული დღის ვადაში.

1.2. სოფ.ვარდისუბნის და სოფ. დიდი დმანისის რ/ზ არხების მოწყობა-ხელშეკრულების გაფორმებიდან 74 (სამოცდათოთხმეტი)კალენდარული დღის ვადაში.

2. მიმწოდებელი ვალდებულია სამუშაოები დაიწყოს ხელშეკრულების გაფორმებიდან 3 (სამი) კალენდარული დღის ვადაში.

3. მიმწოდებელი ვალდებულია, ამ მუხლის პირველი პუნქტით განსაზღვრულ ვადაში, სამუშაო განახორციელოს ხელშეკრულებაზე თანდართული, სატენდერო დოკუმენტაციით განსაზღვრული ფორმით წარდგენილი, სამუშაოების შესრულების გეგმა-გრაფიკის შესაბამისად.

მუხლი 4. ხელშეკრულების შესრულების უზრუნველყოფის გარანტიის პირობები

1. ხელშეკრულების შესრულების უზრუნველყოფის მიზნით, მიმწოდებლის მიერ შემსყიდველისათვის წარმოდგენილი, სს „ არდი დაზღვევა“-ს (ს/კ 404858631) მიერ გაცემული ხელშეკრულების უზრუნველყოფის საბანკო გარანტიის (საბანკო გარანტია N CPB/18-004072 03.10.2018წ) თანხა შეადგენს ხელშეკრულების ღირებულების 5%-ს (28 070 ლარი). საბანკო გარანტია - დანართი N1, თანდართული დანართი.

2. ამ მუხლის პირველი პუნქტით გათვალისწინებული ხელშეკრულების შესრულების უზრუნველყოფის გარანტია ძალაშია 2019 წლის 01 მაისის ჩათვლით.

3. ამ მუხლის პირველი პუნქტით გათვალისწინებული ხელშეკრულების შესრულების უზრუნველყოფის გარანტია თავისი შინაარსით უნდა იყოს უპირობო, გამოუხმობადი და შემსყიდველს უნდა აძლევდეს უფლებას, ხელშეკრულების შესრულების უზრუნველყოფის გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს შესაბამისი თანხა.

4. მიმწოდებლის მიერ შემსყიდველისათვის წარდგენილი, ხელშეკრულების შესრულების უზრუნველყოფის უპირობო საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების შედეგად, აგრეთვე, შემსყიდველის მიერ მიმწოდებლისათვის დაკისრებული პირგასამტეხლოს ანაზღაურებისა და ხელშეკრულებით გათვალისწინებულ სხვა შემთხვევებში.

5. მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისა და შემსყიდველის მიერ ამ შესრულების მიღების შემდეგ, შემსყიდველი ვალდებულია, დაუბრუნოს მიმწოდებელს ამ მუხლის პირველი პუნქტით გათვალისწინებული ხელშეკრულების შესრულების უზრუნველყოფის გარანტია ხელშეკრულების მოქმედების ვადის გასვლიდან 30 კალენდარული დღის განმავლობაში.

6. მიმწოდებლის მიერ ხელშეკრულების შეწყვეტის შემთხვევაში, შემსყიდველს უფლება აქვს, ამოქმედოს ამ მუხლის პირველი პუნქტით გათვალისწინებული ხელშეკრულების შესრულების უზრუნველყოფის გარანტია სრული ოდენობით.

7. შემსყიდველის მიერ, ხელშეკრულების მე-14 მუხლის მე-5 პუნქტით გათვალისწინებულ შემთხვევაში, ხელშეკრულების ცალმხრივად შეწყვეტისას შემსყიდველი უფლებამოსილია ამოქმედოს ამ მუხლის პირველი პუნქტით გათვალისწინებული ხელშეკრულების შესრულების უზრუნველყოფის გარანტია სრული ოდენობით. ამ შემთხვევაში ხელშეკრულების შესრულების უზრუნველყოფის გარანტიის ამოქმედება



მიმწოდებელს არ ათავისუფლებს შემსყიდველისთვის მიყენებული ზიანის ანაზღაურების ვალდებულებისგან.

8. შემსყიდველის მიერ ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია, უზრუნველყოს ამ მუხლის პირველი პუნქტით გათვალისწინებული ხელშეკრულების შესრულების უზრუნველყოფის გარანტიის ვადის გაგრძელება და შემსყიდველს წარუდგინოს აღნიშნულის დამადასტურებელი დოკუმენტი (ცვლილება/ახალი საბანკო გარანტია).

მუხლი 5. ანგარიშსწორების წესი

1. ხელშეკრულების ფარგლებში ანგარიშსწორება იწარმოება უნაღდო ანგარიშსწორების ფორმით, საქართველოს ეროვნულ ვალუტაში, ხელშეკრულებით გათვალისწინებულ რეკვიზიტებზე.

2. მიმწოდებლის წერილობითი მომართვის საფუძველზე, ანგარიშსწორება შესაძლებელია განხორციელდეს ეტაპობრივად, თვეში ერთხელ, შუალედურად შესრულებული სამუშაოების ღირებულების შესაბამისად, საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

3. ანგარიშსწორება განხორციელდება შესრულებული სამუშაოს ხარისხზე, საპროექტო-სახარჯთაღრიცხვო დოკუმენტაციასთან შესაბამისობაზე, მოცულობასა და ღირებულებებზე დაყრდნობით, შპს „ოპტიმალ გრუპ +“-ის (შემდგომში - ზედამხედველი) მიერ გაცემული დადებითი დასკვნის საფუძველზე, რაც დადასტურებული უნდა იყოს ზედამხედველის მიერ ფორმა №2-ზე ხელმოწერით.

მუხლი 6. წინასწარი ანგარიშსწორების პირობები

1. მიმწოდებელი უფლებამოსილია, შემსყიდველს წარუდგინოს წერილობითი თხოვნა წინასწარი ანგარიშსწორების თანხის (შემდგომში - ავანსი) გადახდის თაობაზე.

2. მიმწოდებელი არ არის უფლებამოსილი, შემსყიდველს წარუდგინოს წერილობითი თხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან/და ყადაღა. მიმწოდებელი ვალდებულია, შემსყიდველს წარუდგინოს შესაბამისი დოკუმენტები (განახლებული ინფორმაცია საგადასახადო გირავნობისა ან/და ყადაღის თაობაზე), რომლითაც დასტურდება მის მიმართ ამ პუნქტში განსაზღვრული ვალდებულებების რეგისტრაციის არარსებობა.

3. შემსყიდველის მიერ ავანსის გადახდასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ გაცემული, ავანსის იდენტური ოდენობის საბანკო გარანტია, რომლის მოქმედების ვადა 60 (სამოცი) კალენდარული დღით უნდა აღემატებოდეს სამუშაოების დასრულების ვადას.

4. ავანსის იდენტური ოდენობის საბანკო გარანტია თავისი შინაარსით უნდა იყოს უპირობო და შემსყიდველს უნდა აძლევდეს უფლებას, ავანსის იდენტური ოდენობის საბანკო გარანტიის გამცემი დაწესებულებისგან პირველივე მოთხოვნისთანავე მიიღოს შესაბამისი თანხა.

5. მიმწოდებლისთვის გადასახდელი ავანსი ჯამში არ უნდა აღემატებოდეს ხელშეკრულების ღირებულების 20 %-ს.

6. მიმწოდებელი ვალდებულია ავანსი გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.



7. ავანსის გაქვითვა მოხდება პროპორციულად, ფაქტობრივად შესრულებული სამუშაოს ღირებულების 20%-ის ოდენობით.

8. ავანსის გადახდა მოხდება უნაღდო ანგარიშსწორების ფორმით მიმწოდებლის მიერ ამ მუხლის მე-3 პუნქტით გათვალისწინებული საბანკო გარანტიის შემსყიდველისთვის წარდგენის შემდეგ.

მუხლი 7. შესრულებული სამუშაოს საგარანტიო ვადა

1. შესრულებული სამუშაოს საგარანტიო ვადა შეადგენს საბოლოო მიღება-ჩაბარების აქტის გაფორმებიდან 5 (ხუთი) წელს.

2. ამ მუხლის პირველი პუნქტით განსაზღვრული, შესრულებული სამუშაოს საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, მიმწოდებელი ვალდებულია შეტყობინების მიღებიდან, შემსყიდველის მიერ განსაზღვრულ გონივრულ ვადაში, საკუთარი ხარჯებით უზრუნველყოს მისი აღმოფხვრა.

3. სამუშაოს ხარისხის დაცვის მიზნით, შემსყიდველის მიერ ყოველი შესრულებული სამუშაოების ღირებულებიდან დაკავებული იქნება შესრულებული სამუშაოების ღირებულების 5%, რომლის პირველი ნახევრის (2.5%) დაბრუნება მოხდება ხელშეკრულებით გათვალისწინებული სამუშაოს სრულად დასრულებისა და შემსყიდველის მიერ საბოლოო მიღება-ჩაბარების აქტის გაფორმების შემდეგ.

4. იმ შემთხვევაში, თუ შემსყიდველის მიერ შექმნილი ინსპექტირების ჯგუფის ან სპეციალური კომისიის მიერ საბოლოო მიღება-ჩაბარების აქტის შედგენისას დაფიქსირებული იქნება შესრულებული სამუშაოს ნაკლი ან უხარისხობა, მიმწოდებელს ამ მუხლის მე-3 პუნქტში განსაზღვრული სამუშაოს ხარისხის დაცვის მიზნით დაკავებული თანხის პირველი ნახევარი არ აუნაზღაურდება სამუშაოს დეფექტ(ებ)ის გამოსწორებამდე.

5. მიმწოდებელი ვალდებულია ამ მუხლის მე-4 პუნქტით გათვალისწინებულ შემთხვევაში, უზრუნველყოს დაფიქსირებული დეფექტ(ებ)ის გამოსწორება. დაფიქსირებული დეფექტ(ებ)ის გამოუსწორებლობის შემთხვევაში, შემსყიდველი უფლებამოსილია მიმწოდებლის დააკისროს პირგასამტეხლო ხელშეკრულების მე-13 მუხლის პირველი პუნქტის შესაბამისად.

6. სამუშაოს ხარისხის დაცვის მიზნით, შემსყიდველის მიერ ყოველი შესრულებული სამუშაოების ღირებულებიდან დაკავებული მეორე ნახევრის (2.5%) დაბრუნება მოხდება საგარანტიო ვადის ერთი წლის გასვლის შემდეგ, თუ შემსყიდველის მიერ შექმნილი ინსპექტირების ჯგუფის ან სპეციალური კომისიის მიერ დეფექტ(ებ)ის არარსებობის შესახებ შემსყიდველისთვის წარდგენილი იქნა შესაბამისი აქტი, რომლითაც დადასტურდება დეფექტ(ებ)ის არარსებობა.

7. შემსრულებელი უფლებამოსილია მოითხოვოს ამ მუხლის მე-6 პუნქტით გათვალისწინებული ხარისხის დაცვის მიზნით დაკავებული თანხის ანაზღაურება სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ დაკავებული თანხის იდენტური ოდენობის გარანტიის წარდგენის საფუძველზე. გარანტია უნდა იყოს უპირობო, გამოუხმობადი და შემსყიდველ ორგანიზაციას უნდა აძლევდეს უფლებას გარანტიის გამცემისგან, პირველივე მოთხოვნისთანავე, მიიღოს შესაბამისი თანხა. გარანტიის მოქმედების ვადა უნდა აღემატებოდეს სამუშაოს ხარისხის დაცვის მიზნით დაკავებული თანხის დაბრუნების ვადას არანაკლებ 30 (ოცდაათი) კალენდარული დღით.

8. იმ შემთხვევაში, თუ სხვადასხვა მიზეზების გამო მიმწოდებელი ვერ უზრუნველყოფს ამ მუხლის მე-4 ან მე-6 პუნქტში აღნიშნული დეფექტ(ებ)ის აღმოფხვრას, შემსყიდველი ზედამხედველთან ერთად შეაფასებს ამ დეფექტ(ებ)ის აღმოფხვრისათვის ჩასატარებელი სამუშაოების ღირებულებას.

9. ამ მუხლის მე-8 პუნქტით გათვალისწინებულ შემთხვევაში შემსყიდველი მიმწოდებელს არ აუნაზღაურებს დეფექტ(ებ)ის აღმოფხვრისათვის ჩასატარებელი სამუშაოების ღირებულების თანხას, სამუშაოს ხარისხის დაცვის მიზნით დაკავებული თანხიდან. იმ შემთხვევაში თუ სამუშაოს ხარისხის დაცვის მიზნით განსაზღვრული ვადის გასვლამდე, გამოვლენილი დეფექტ(ებ)ის აღმოფხვრისათვის საჭირო თანხა აღმატება სამუშაოს ხარისხის დაცვის მიზნით დაკავებულ თანხას, მიმწოდებელი ვალდებულია გადაუხადოს შემსყიდველს შესაბამისი ნარჩენი ღირებულება, ან აღმოფხვრას წუნი საკუთარი ხარჯებით.

10. საგარანტიო ვადის ერთი წლის გასვლის შემდეგ, მიმწოდებელი ვალდებულია 3 (სამი) თვის ვადაში მიმართოს შემსყიდველს დაკავებული თანხის დაბრუნების თაობაზე. იმ შემთხვევაში, თუ მიმწოდებელი მითითებულ ვადაში არ მიმართავს შემსყიდველს თანხის დაბრუნების თაობაზე, მიმწოდებელს აღნიშნული თანხა არ აუნაზღაურდება.

მუხლი 8. სამუშაოს შესაბამისობა

1. ხელშეკრულების პირველი მუხლით გათვალისწინებული სამუშაო მიმწოდებლის მიერ უნდა შესრულდეს ჯეროვნად, სამუშაოების საპროექტო დოკუმენტაციის, ტექნიკური დავალების, საქართველოს კანონმდებლობით გათვალისწინებული შესაბამისი სამშენებლო და გარემოსდაცვითი (არსებობის შემთხვევაში) ნორმებისა და წესების და შემსყიდველის მოთხოვნების შესაბამისად.

2. ამ მუხლის პირველ პუნქტში განსაზღვრული წესებიდან და ნორმებიდან მიმწოდებლის მხრიდან ნებისმიერი გადახვევის შემთხვევაში, შემსყიდველი უფლებამოსილია, არ მიიღოს სამუშაო ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 9. სამუშაოს მიღება-ჩაბარების წესი

1. მიმწოდებელი უფლებამოსილია შემსყიდველისათვის შესრულებული სამუშაოების წარდგენა განახორციელოს ეტაპობრივად, თვეში ერთხელ.

2. მიმწოდებლის მიერ წარდგენილი შესრულებული სამუშაოები მიღებულად ჩაითვლება საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტის გაფორმების შემდეგ.

3. ხელშეკრულების ფარგლებში შესასრულებელი, მიმდინარე და შესრულებული სამუშაოების შემოწმებას ახორციელებს ზედამხედველი, რომელიც ადგილზე ამოწმებს ხელშეკრულებით განსაზღვრული გეგმა-გრაფიკის შესაბამისად შესრულებულ სამუშაოთა მოცულობას და ხარისხს.

4. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს - ლევანი მანთაშაშვილი, დმანისის მუნიციპალიტეტის მერიის სივრცითი მოწყობისა და ინფრასტრუქტურის სამსახურის პირველადი სტრუქტურული ერთეულის ხელმძღვანელის მოვალეობის შემსრულებელი.

მუხლი 10. მხარეთა უფლება-მოვალეობანი

1. მიმწოდებელი ვალდებულია:

ა) უზრუნველყოს სამუშაოს დაწყება ხელშეკრულების გაფორმებიდან 3 (სამი) კალენდარული დღის განმავლობაში;

ბ) სამუშაოს შესრულების პროცესში იხელმძღვანელოს ხელშეკრულების მე-8 მუხლის პირველ პუნქტში გათვალისწინებული მოთხოვნების შესაბამისად;

გ) სამუშაო განახორციელოს ხელშეკრულების მე-3 მუხლში განსაზღვრულ ვადით და პირობებით.



დ) სამუშაოები განახორციელოს ხელშეკრულებაზე თანდართული სამუშაოების შესრულების გეგმა-გრაფიკის შესაბამისად;

ე) შემსყიდველთან შეთანხმოს სამუშაოების განხორციელებისას გამოსაყენებელი მასალ(ებ)ის იერსახე და ხარისხი;

ვ) სამშენებლო/სარეაბილიტაციო სამუშაოების დაწყებამდე სამშენებლო მოედანზე გადაამოწმოს საპროექტო ნიშნულები, ასევე, საპროექტო ნახაზებში მითითებული ზომები და ნებისმიერი უზუსტობა აცნობოს შემსყიდველს;

ზ) შემსყიდველის მოთხოვნის შემთხვევაში, უზრუნველყოს სამუშაო მოედნის ვიდეოსამეთვალყურეო სისტემით აღჭურვა.

თ) იმ შემთხვევაში, თუ გამოვლინდება, რომ მიმწოდებლის მიერ დაგეგმილი სამუშაოებიდან რომელიმე კონკრეტული სამუშაოს განხორციელებისათვის მიმწოდებელს არ აქვს მოპოვებული საჭირო დოკუმენტაცია ან ნებართვა, მიმწოდებელი ვალდებულია, სათანადო დოკუმენტაციის ან ნებართვის მოპოვებამდე შეაჩეროს აღნიშნული სამუშაოს განხორციელება და დაუყოვნებლივ გაატაროს შესაბამისი ღონისძიებები მათ მოსაპოვებლად;

ი) საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად და ხელშეკრულების მე-7 მუხლით განსაზღვრული წესით გამოვლენილი ყველა დეფექტ(ებ)ის აღმოფხვრა;

კ) შემსყიდველს უმოკლეს ვადაში აცნობოს მისი მოსალოდნელი რეორგანიზაციის ან ლიკვიდაციის შესახებ;

ლ) დაიცვას შემსყიდველის მიერ მისთვის გადაცემული გარემოზე ზემოქმედების შეფასების ანგარიშის, ეკოლოგიური ექსპერტიზის დასკვნისა და გარემოსდაცვითი მართვის გეგმის მოთხოვნები და პირობები (მათი არსებობის შემთხვევაში).

2. შემსყიდველი ვალდებულია, შეუფერხებლად აუნაზღაუროს მიმწოდებელს შესრულებული სამუშაოების ღირებულება ხელშეკრულებით გათვალისწინებული პირობებისა და ვადების შესაბამისად.

3. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) არ ჩაიბაროს რაოდენობრივად, ხარისხობრივად ან უფლებრივად ნაკლიანი შესრულებული სამუშაო.

მუხლი 11. კონტროლი (ინსპექტირება)

1. ხელშეკრულებით გათვალისწინებული ვალდებულებების შესრულების, შესრულებული სამუშაოს მოცულობის, ხარისხისა და შესრულების ვადების დაცვის კონტროლს (ინსპექტირება) ახორციელებს შემსყიდველი ან/და ზედამხედველი.

2. ხელშეკრულების მოქმედების პერიოდში, ხელშეკრულების შესრულების ნებისმიერ ეტაპზე, შემსყიდველი უფლებამოსილია, განახორციელოს ხელშეკრულებით გათვალისწინებული ვალდებულებების შესრულების კონტროლი (ინსპექტირება).

3. მიმწოდებელი ვალდებულია, საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტ(ებ)ის აღმოფხვრა და კონტროლის (ინსპექტირების) ხელახლა განხორციელებასთან დაკავშირებული ხარჯების ანაზღაურება.



5. სამუშაოს განხორციელების პროცესში, მიმწოდებელი ვალდებულია უზრუნველყოს ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი, ასევე, წერილობითი რეკომენდაციების და მითითებების შესრულება.

6. სამუშაოების მიმდინარეობაზე შემსყიდველი ან/და ზედამხედველი კონტროლს (ინსპექტირებას) აწარმოებს საქართველოს კანონმდებლობის, საპროექტო დოკუმენტაციის, სპეციფიკაციების, ტექნიკური დავალებისა და ხელშეკრულების პირობების შესაბამისად, რომელთა დარღვევის შემთხვევაში შემსყიდველი უფლებამოსილია, შეაჩეროს სამუშაოების მიმდინარეობა და განახორციელოს ხელშეკრულებით და საქართველოს კანონმდებლობით გათვალისწინებული ზომები.

7. ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების შემთხვევაში შემსყიდველის, მიმწოდებლისა და ხელშეკრულების კონტროლის (ინსპექტირება) მიზნით შერჩეული სხვა პირ(ებ)ის მონაწილეობით ფორმდება შესაბამისი აქტი, სადაც დეტალურად აღიწერება ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების მიზეზ(ებ)ი, რის შემდგომაც შემსყიდველი უფლებამოსილია, საკუთარი შეხედულებისამებრ აამოქმედოს ხელშეკრულებით განსაზღვრული ხელშეკრულების შესრულების უზრუნველყოფის საბანკო გარანტია. თუ მიმწოდებლის წარმომადგენელი უარს აცხადებს ამ პუნქტში აღნიშნული აქტის შედგენაში მონაწილეობაზე, ხსენებული ფიქსირდება ამავე აქტში და იგი იწვევს იმავე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების არაჯეროვნად შესრულების შემთხვევაში მიმწოდებელი ვალდებულია, თავისი სახსრებით დაუყოვნებლივ აღმოფხვრას დეფექტ(ებ)ი. სამუშაოების არაჯეროვნად შესრულების შემთხვევაში მიმწოდებელს არ უნაზღაურდება დეფექტ(ებ)ით შესრულებული სამუშაოების ღირებულება.

8. იმ შემთხვევაში, თუ მიმწოდებლის მხრიდან შესრულებულ სამუშაოთა შემსყიდველისთვის წარდგენილი მოცულობები შემსყიდველის მიერ გადამოწმების შემთხვევაში არ შეესაბამება რეალობას, შემსყიდველი ამ მუხლის მე-7 პუნქტით გათვალისწინებული აქტის შედგენის შემდეგ არ უნაზღაურებს მიმწოდებელს აღნიშნულ სამუშაოთა ღირებულებას და განიხილავს მიმწოდებლის პასუხისმგებლობის საკითხს ხელშეკრულებისა და საქართველოს კანონმდებლობის შესაბამისად.

მუხლი 12. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვანი შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორის არსებობის



დამადასტურებელი დოკუმენტი, და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 13. პასუხისმგებლობა

1. ხელშეკრულებით გათვალისწინებული ვალდებულებ(ებ)ის შესრულებლობის ან არაჯეროვნად შესრულებისათვის დამრღვევი მხარე ვალდებულია, მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 1% ასეთი მოთხოვნის მიღებიდან არაუგვიანეს 5 (ხუთი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება, გარდა ამ მუხლის მეორე პუნქტით განსაზღვრული შემთხვევისა.
2. მიმწოდებლის მიერ ხელშეკრულების დანართით განსაზღვრული სამუშაოების შესრულების გეგმა-გრაფიკის დარღვევის შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0.02%-ის ოდენობით.
3. მიმწოდებლის მიერ ხელშეკრულების მე-3 მუხლის პირველი პუნქტით გათვალისწინებული სამუშაოების ვადის გადაცილების შემთხვევაში, თუ მიმწოდებლის და შემსყიდველს შორის არ იქნა მიღწეული შეთანხმება ხელშეკრულების მოქმედების ვადის გაგრძელების თაობაზე ხელშეკრულების მოქმედების ვადის ამოწურვამდე 10 დღით ადრე და მიმწოდებელი ამ ხელშეკრულების მოქმედების ვადის ამოწურვამდე 10 დღით ადრე ვერ უზრუნველყოფს სამუშაოების დასრულებას, შემსყიდველი უფლებამოსილია აამოქმედო ხელშეკრულების შესრულების უზრუნველყოფის გარანტია სრული ოდენობით.
4. იმ შემთხვევაში, თუ ხელშეკრულებით გათვალისწინებული ვალდებულებ(ებ)ის დარღვევის გამო მიმწოდებლისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2%-ს, შემსყიდველს უფლება აქვს, ცალმხრივად შეწყვიტოს ხელშეკრულება.
5. ამ მუხლის პირველი პუნქტის საფუძველზე მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს შესრულებული სამუშაოების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.
6. მიმწოდებლის მიერ ხელშეკრულებით გათვალისწინებული ვალდებულებ(ებ)ის შესრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.
7. მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.
8. შემსყიდველის მიერ მიმწოდებლისათვის გადაცემული გარემოზე ზემოქმედების შეფასების ანგარიშის, ეკოლოგიური ექსპერტიზის დასკვნითა და გარემოსდაცვითი მართვის გეგმის მოთხოვნებითა და პირობებით (მათი არსებობის შემთხვევაში) გათვალისწინებული ვალდებულებ(ებ)ის შესრულებლობით გამოწვეული ზიანისათვის პასუხისმგებლობა ეკისრება მიმწოდებელს.
9. მიმწოდებელს ეკისრება სრული პასუხისმგებლობა ტექნიკური დოკუმენტით გათვალისწინებული ვალდებულებ(ებ)ის დარღვევის შემთხვევაში წარმოშობილ ზიანზე.



მუხლი 14. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.
3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.
4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.
5. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება თუ:

- ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;
 - ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა);
 - გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულები გათვალისწინებული ვალდებულებ(ებ)ის შესრულებაზე;
 - დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
 - ე) ამოიწურა ხელშეკრულებაზე თანდართული ხელშეკრულების შესრულების უზრუნველყოფის გარანტიით განსაზღვრული თანხა/ვადა და მიმწოდებელმა შემსყიდველს არ წარუდგინა ახალი საბანკო გარანტია;
 - ვ) მიმწოდებელმა განმეორებით დაარღვია ხელშეკრულებაზე თანდართული სამუშაოების შესრულების გეგმა-გრავიკი;
 - ზ) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 2%-ს;
 - თ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;
 - ი) ხელშეკრულების ფარგლებში შესასრულებელი სამუშაო სრულად გადასცა ქვეკონტრაქტორს;
 - კ) საქართველოს კანონმდებლობით გათვალისწინებულ სხვა შემთხვევებში.
6. შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია, აამოქმედოს ხელშეკრულების მე-4 მუხლში განსაზღვრული ხელშეკრულების შესრულების უზრუნველყოფის საბანკო გარანტია სრული ოდენობით. ამ შემთხვევაში საბანკო გარანტის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურების ვალდებულებისაგან.
7. მიმწოდებლის მიერ ხელშეკრულების თვითნებურად შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

მუხლი 15. უფლებების გადაცემა

1. ხელშეკრულების არც ერთ მხარეს არა აქვს უფლება, გადასცეს მესამე პირს ხელშეკრულებით განსაზღვრული თავისი უფლებები და მოვალეობები ბოლო მხარის წერილობითი თანხმობის გარეშე.



2. ხელშეკრულების ფარგლებში მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

მუხლი 16. ქვეკონტრაქტორ(ებ)ი და მიმწოდებლის პერსონალი

1. დაუშვებელია ქვეკონტრაქტორ(ებ)ს შესასრულებლად გადაეცეს შესასრულებელი სამუშაოების ჯამური მოცულობის 40%-ზე მეტი;
2. ხელშეკრულებით განსაზღვრული სამუშაოს ნაწილის ქვეკონტრაქტორ(ებ)ზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებ(ებ)ისგან და აღნიშნული სამუშაოების შესრულებაზე შემყიდველთან პასუხისმგებელია მიმწოდებელი.
3. მიმწოდებელი ვალდებულია წერილობით აცნობოს შემყიდველს ხელშეკრულების ფარგლებში, ქვეკონტრაქტორ(ებ)თან ხელშეკრულებ(ებ)ის დადების თაობაზე და მიიღოს მისგან წერილობითი თანხმობა აღნიშნულზე. ამ მიზნით, შემყიდველს წარედგინება ქვეკონტრაქტორ(ებ)ის მიერ შესასრულებელი სამუშაოების დასახელება ღირებულების მითითებით და გასაფორმებელი ქვეკონტრაქტორ(ებ)ის ასლი.
4. მიმწოდებელი ვალდებულია ქვეკონტრაქტორ(ებ)თან დადებული ხელშეკრულებ(ებ)ის ასლ(ებ)ი წარუდგინოს შემყიდველს, აღნიშნული ხელშეკრულებ(ებ)ის გაფორმებისთანავე, მაგრამ არაუგვიანეს 5 (ხუთი) კალენდარული დღის ვადაში.

მუხლი 17. შეტყობინება

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უზღავნის მეორე მხარეს, უნდა გაიგზავნოს წერილის, დეკემის, ოფიციალური ელექტრონული ფოსტის (შემყიდველის შემთხვევაში -tenderidmanisi@gmail.com) ან ფაქსის სახით, ორიგინალის შემდგომი წარდგენით, ხელშეკრულებაში მითითებულ მეორე მხარის მისამართზე.
2. შეტყობინება ძალაში შედის ადრესატის მიერ მისი მიღების დღეს ან შეტყობინებაში ძალაში შესვლისათვის დადგენილ დღეს იმის მიხედვით, თუ ამ თარიღებიდან რომელი უფრო გვიან დგება.

მუხლი 18. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.
2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემცირებისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, რა დროსაც დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
3. ხელშეკრულება რეგულირდება საქართველოს კანონმდებლობით.
4. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.
5. ხელშეკრულება შედგენილია ქართულ ენაზე, 2 (ორი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი - შემყიდველთან და ერთი პირი - მიმწოდებელთან).
6. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

7. მიმწოდებლის სატენდერო წინადადება, ხარჯთაღრიცხვა, ხელშეკრულების შესრულების უზრუნველყოფის გარანტია, სამუშაოების შესრულების გეგმა-გრაფიკი, ტექნიკური დავალება, საპროექტო დოკუმენტაციის განმარტებითი ბარათი, სპეციფიკაციები, ნახაზები, პროექტი თან ერთვის ხელშეკრულებას და წარმოადგენს მის განუყოფელ ნაწილს.

მუხლი 19. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2019 წლის 30 მარტის ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

მხარეთა ხელმოწერები:

დმანისის მუნიციპალიტეტი:

შპს „#2 საგზაო საექსპლუატაციო სამმართველო“

დმანისის მუნიციპალიტეტის მერი
გიორგი ტატუაშვილი



დირექტორი
ლევან ჩაგელიძე





**ხელშეკრულების შესრულების საგარანტიო უზრუნველყოფა
საბანკო გარანტია**

№ CPB/18-004072

03.10.2018წ.


ვის: დმანისის მუნიციპალიტეტს


მხედველობაში ვიღებთ რა, რომ შპს N2 საგზაო საქსპლუატაციო სამმართველო, ს/კ 225372352 (შემდეგ – „მიმწოდებელი“) გამოცხადდა გამარჯვებულად ქ.დმანისის ქუჩების მოასფალტების, სოფ.დიდი დმანისისა და სოფ. ვარდისუბნის რ/ზ არხების მოწყობის სამუშაოებზე გამოცხადებულ ტენდერში (NAT180013120), წარმოგიდგენთ საბანკო გარანტიას, რათა უზრუნველყოფილ იქნეს მიმწოდებლის მიერ ნაკისრი სახელშეკრულებო ვალდებულების შეუსრულებლობის შემთხვევაში თქვენთვის მიყენებული ნებისმიერი პირდაპირი ზიანის ანაზღაურება. ამასთან დაკავშირებით,

ვადატურებით, რომ:

ვართ გარანტი და ამ საბანკო გარანტიის გაცემით ვკისრულობთ საგარანტიო ვალდებულებას, თქვენი პირველივე მოთხოვნისთანავე გადაგიხადოთ საგარანტიო თანხა 28,070 (ოცდარვა ათას სამოცდაათი) ლარის ფარგლებში, მიმწოდებლის მიერ სახელშეკრულებო ვალდებულებების შეუსრულებლობის შემთხვევაში. ამასთან, საგარანტიო ანაზღაურების მოთხოვნა უნდა წარმოგვედგინოს ამ საბანკო გარანტიის მოქმედების ვადაში: მოთხოვნის წარდგენის დღედ ითვლება მოთხოვნის უშუალოდ გარანტთან (მის.: ქ. თბილისი, ვაჟა-ფშაველას გამზ. №3) ჩაბარების დღე; დაუშვებელია მოთხოვნის ელექტრონულად, ფაქსით ან სხვა საშუალებით წარდგენა.

ეს გარანტია ძალაშია 03.10.2018 -დან 01.05.2019-ჩათვლით.


მაია ჭამუშაძე
მომსახურებისა და მონიტორინგის
დეპარტამენტის უფროსი



წინათქმა

1. ვითვალისწინებთ, რომ პრინციპალს ბენეფიციართან ვალდებულებითი ურთიერთობის წარმოშობის ან შენარჩუნების უზრუნველსაყოფად ესაჭიროება გარანტიის მიერ გაცემული საბანკო გარანტია;
2. ვითვალისწინებთ, რომ პრინციპალმა გარანტიის გაცემის თხოვნით მიმართა გარანტს და პრემიის გადახდის სანაცვლოდ ითხოვა გარანტიის გაცემა;
3. ვითვალისწინებთ, რომ გარანტია უზრუნველყოფს პრინციპალსა და ბენეფიციარს შორის ურთიერთობიდან გამომდინარე პრინციპალის მიერ ნაკისრი (საკისრებელი) ვალდებულების შესრულებას იმ ფარგლებში (პირობებით) და ლიმიტებით, რაც განსაზღვრულია საგარანტიო პირობებით;
4. ამდენად, საკრედიტო კანონმდებლობის შესაბამისად, ვთანხმდებით შემდეგ სახელშეკრულებას პირობებზე:

მუხლი 1. საბანკო გარანტიის შინაარსი

1. პრინციპალის თხოვნით გარანტი კისრულობს ვალდებულებას, გადაუხადოს ბენეფიციარს ფულადი თანხა, მაგრამ არა უმეტეს საგარანტიო თანხის, გარანტიის მოქმედების პერიოდში გადახდის შესახებ ბენეფიციარის მოთხოვნის წარდგენის საფუძველზე იმ შემთხვევაში, თუ პრინციპალი სათანადოდ ვერ ასრულებს ბენეფიციარის წინაშე ნაკისრ, გარანტიის პირობებით განსაზღვრულ შესაბამის ძირითად ვალდებულებას.

2. მხარეები ითვალისწინებენ, რომ საგარანტიო პირობებს გააჩნია დამოუკიდებელი ბუნება, კერძოდ, ბენეფიციარსა და გარანტს შორის ურთიერთობაში საგარანტიო პირობები უპირატესია ძირითადი ვალდებულების მიმართ იმის მიუხედავად, რომ ძირითადი ვალდებულება შეიძლება ითვალისწინებდეს ვალდებულებების უფრო მეტ ან ნაკლებ სახეებს, წარმოშობის (ამოქმედების) ფაქტობრივ საფუძველს, ვალდებულების შესრულების ვადებს, პირობებს ან/და ფულად მოცულობას. შესაბამისად, ბენეფიციარის მოთხოვნის მიღებისას გარანტი ხელმძღვანელობს საგარანტიო პირობებით, ბენეფიციარსა და პრინციპალს შორის გაფორმებული ხელშეკრულებისა და კანონმდებლობის გათვალისწინებით მხოლოდ მაშინ და იმ ფარგლებში, თურმამდნადაც ეს პირდაპირ არის განსაზღვრული საბანკო გარანტიით ან/და კანონმდებლობით.

მუხლი 2. მოთხოვილ-გასაცემი საბანკო გარანტიის მონაცემები

პრინციპალის თხოვნით, გარანტის მიერ გაცემა შემდეგი საბანკო გარანტია:

- (ა) საბანკო გარანტიის სახე: ხელშეკრულების საგარანტიო უზრუნველყოფა-სახელმწიფო
- (ბ) პრინციპალი: შპს N2 საგზაო საექსპლუატაციო სამმართველო
- (გ) ბენეფიციარი: დამანისის მუნიციპალიტეტი
- (დ) ძირითადი ვალდებულების საფუძველი: NAT180013120, ქ. დამანისის ქუჩების მოასფალტების, სოფ. დიდი დამანისისა და სოფ. ვარდისუბნის რბ არხების მოწყობის სამუშაოები
- (ე) საგარანტიო პირობ(ებ)ი: განისაზღვრება საბანკო გარანტიით
- (ვ) საგარანტიო თანხა: 28,070 ლარი
- (ზ) სადაზღვევო პრემია/გადახდის გრაფიკი: 1. 03/10/2018 - 950 (ცხრაას ორმოცდაათი ლარი)
- (თ) საგარანტიო ვადა: 03/10/2018-დან -01/05/2019-ჩათვლით

მუხლი 3. მხარეთა უფლება-მოვალეობები

3.1. გარანტი ვალდებულია:

- (ა) გაცეს საბანკო გარანტია, ხოლო სატენდერო წინადადების უზრუნველყოფის ელექტრონული გარანტიის შემთხვევაში - დადგენილი წესით დაარეგისტრიროს გარანტია და მიაწოდოს პრინციპალს რეგისტრაციის ნომერი და PIN კოდი (გაეცემად მიიჩნევა გარანტიის შესაბამის ელექტრონულ ბაზაში რეგისტრაცია. გარანტიის დედნის წარდგენა აუცილებელი არ არის).
- (ბ) ბენეფიციარის მოთხოვნის მიღების შემთხვევაში დაუყოვნებლივ აცნობოს ამის შესახებ პრინციპალს, გადაცეს მოთხოვნის ასლი და თანდართული დოკუმენტაცია და მიცეს ვადა საპასუხო წერილის (პოზიციის) წარმოსადგენად.
- (გ) განიხილოს ბენეფიციარის მოთხოვნისა და, თუ არსებობს, პრინციპალის საპასუხო წერილის (პოზიციის) დასაბუთებულობა და გონივრულ ვადაში მიიღოს გადაწყვეტილება;
- (დ) აუნაზღაუროს ბენეფიციარს დასაბუთებული, საგარანტიო პირობებთან შესაბამისობით მოთხოვილი თანხა, მაგრამ არა უმეტეს საგარანტიო თანხისა;
- (ე) საჭიროების შემთხვევაში ბენეფიციარისაგან მოითხოვოს საგარანტიო შემთხვევის რეგულირებისათვის აუცილებელი დოკუმენტაციის წარდგენა;
- (ვ) აცნობოს ბენეფიციარს მოთხოვნის დაკმაყოფილებაზე უარს, თუ მისი მოთხოვნა დაუსაბუთებელია, საგარანტიო პირობებთან შეუსაბამოა ან არსებობს უარის სხვა საფუძველი;
- (ზ) შეაჩეროს ბენეფიციარის მოთხოვნის განხილვა/დაკმაყოფილება, თუ არსებობს გარანტის მიერ ბენეფიციარისათვის ქმედების განხორციელების (თანხის გადაირგვხვა) აკრძალვასთან დაკავშირებული სარჩელის უზრუნველყოფის შესახებ აღსასრულებლად მიქცეული ღონისძიება;
- (თ) 7 კალენდარული დღით ადრე აცნობოს პრინციპალს დავალიანების იძულებითი მართვის დაწყების შესახებ.

3.2. გარანტი უფლებამოსილია:

- (ა) მოთხოვოს პრინციპალს ბენეფიციარის მიმართ ძირითადი ვალდებულების ჯეროვანი შესრულება;
- (ბ) მოთხოვოს პრინციპალს პრემიის სრულად და შეთანხმებულ ვადაში გადახდა;
- (გ) წერილობით შეატყობინოს ბენეფიციარს, თუ პრინციპალი არღვევს პრემიის გადახდის ვალდებულებას, რის შესაბამისადაც გარანტი თავისუფლდება ნაკისრი ვალდებულებისაგან (გამოთხოვადი საბანკო გარანტიის შემთხვევაში);
- (დ) ბენეფიციარის მოთხოვნის მიღების შემდეგ, მხარეების პოზიციების შესწავლის მიზნით, მათგან გამოითხოვოს დამატებითი დოკუმენტები, მიიღოს განმარტებები, მოახდინოს ადგილზე გასვლა და კომისიური წესით შესწავლა;
- (ე) უარი უთხრას ბენეფიციარს მოთხოვნის დაკმაყოფილებაზე, თუ მოთხოვნა არ შეესაბამება საგარანტიო პირობას, ის წარდგენილ იქნა საგარანტიო ვადის დასრულების შემდეგ, დაუსაბუთებელია ან არსებობს უარის სხვა საფუძველი;
- (ვ) შეაჩეროს ბენეფიციარის მოთხოვნის განხილვა/დაკმაყოფილება, თუ ბენეფიციარსა და პრინციპალს შორის მიმდინარეობს დავა და აღნიშნული დავაზე მიღებული გადაწყვეტილება გაკლუნს იქონიებს საგარანტიო შემთხვევის რეგულირებაზე;
- (ზ) მოთხოვოს პრინციპალს რეგრესის წესით იმ თანხის გადახდა, რომელიც აუნაზღაურდა ბენეფიციარს გარანტიის საფუძველზე;
- (თ) მოთხოვნის მიღებისათვის მოახდინოს რეგრესის იძულებითი მართვის დაწყება;
- (ი) მართოს რეგრესული მოთხოვნა მაშინაც, თუ პრინციპალი არ ეთანხმება ბენეფიციარს ან/და გარანტის მოთხოვნას, ხოლო გარანტი მიიჩნევს, რომ ბენეფიციარის მოთხოვნა ექვემდებარება დაკმაყოფილებას.

3.3. პრინციპალი ვალდებულია:

- (ა) კეთილსინდისიერად, ხარისხიანად და ვადების დაცვით შესასრულოს როგორც გარანტის, ისე ბენეფიციარის წინაშე ნაკისრი ვალდებულებანი;
- (ბ) ითანამშრომლოს გარანტთან ბენეფიციარის მოთხოვნის შესწავლის, შესაბამისი ზიანის არსებობის/ოდენობის განსაზღვრისათვის. წინააღმდეგ შემთხვევაში გარანტი უფლებამოსილია მიიჩნიოს, რომ პრინციპალი ეთანხმება ბენეფიციარის მოთხოვნებს და, თუ მოთხოვნა შეესაბამება საგარანტიო პირობებს, გარანტი უფლებამოსილია გასცეს (აღიაროს) საგარანტიო ანაზღაურება და დაიწყოს თავისი რეგრესული მოთხოვნის უფლების მართვა;
- (გ) დააკმაყოფილოს გარანტის რეგრესული მოთხოვნა იმ თანხაზე, რომელიც გარანტმა დააკმაყოფილა (აღიარა) ბენეფიციარის მიმართ;
- (დ) დაუყოვნებლივ წერილობით შეატყობინოს გარანტს ბენეფიციარის მიმართ ძირითადი ვალდებულების ვადაში ან ვადამდე შესრულების შესახებ.
- (ე) იმ შემთხვევაში, თუ პრინციპალის თხოვნით მოხდა სატენდერო წინადადების უზრუნველყოფის ელექტრონული გარანტიის გაუქმება, მოახდინოს ერთი დღის პრემიის გადახდა 10 ლარის ოდენობით.

3.4. პრინციპალი უფლებამოსილია:

- (ა) გარანტისგან მიიღოს ბენეფიციარის მოთხოვნის ასლი;
- (ბ) თავად უზრუნველყოს ბენეფიციარის მოთხოვნის დაკმაყოფილება;
- (გ) მოითხოვოს გარანტისგან ამ ხელშეკრულებით ნაკისრ ვალდებულებათა ჯეროვანი შესრულება.

მუხლი 4. რეგრესის უზრუნველყოფა

1. ამ ხელშეკრულების მიხედვით გარანტიის გაცემამდე ან მის შემდეგ გარანტს უფლება აქვს მოითხოვოს პრინციპალის მიმართ თავისი მოთხოვნის უზრუნველსაყოფად შესაბამისი დამატებითი ხელშეკრულებ(ებ)ის გაფორმება პრინციპალთან ან/და მესამე პირთან (მესაკუთრე, თავდები); იპოთეკა, გრავონა, თანხის დეპონირება (cash cover) ან/და თავდებობა.
2. დამატებითი ხელშეკრულებ(ებ)ით შეიძლება მოხდეს პრინციპალთან დაკავშირებით ამ ან/და სხვა ხელშეკრულებ(ებ)ით გათვალისწინებული საბანკო გარანტი(ებ)იდან გამომდინარე გარანტის რეგრესული ან/და დებიტორული მოთხოვნ(ებ)ის უზრუნველყოფა.
3. გარანტის უფლება, მოითხოვოს პრინციპალს საგარანტიო თანხის რეგრესული წესით ანაზღაურება, წარმოიშობა ბენეფიციარის მოთხოვნის გარანტისთვის ჩაბარების მომენტიდან, გარანტს უფლება აქვს რეგრესული მართვის პროცესში პრინციპალს ან/და მესამე პირს (მესაკუთრე, თავდები) მოთხოვოს საგარანტიო ანაზღაურების თანხის ნებაყოფლობით დაფარვა.
4. თუ გარანტის რეგრესული მოთხოვნა უზრუნველყოფილია დეპონირებული თანხით (cash cover), გარანტს უფლება აქვს პრინციპალისთვის (მესაკუთრისთვის) დამატებითი შეტყობინებისა და თანხობის გარეშე (უაქვექტოდ) მოახდინოს თავისი მოთხოვნის სრულად ან ნაწილობრივ დაკმაყოფილება ამ თანხის ხარჯზე.

მუხლი 5. პირგასამტეხლო

პრინციპალის მიერ გარანტიის მოთხოვნის დაუკმაყოფილებლობის შემთხვევაში გარანტი უფლებამოსილია მოთხოვოს მას პირგასამტეხლოს გადახდა ვადადადგენილი თანხის 0,07 %-ის ოდენობით ყოველ სამუშაო დღიდან.

მუხლი 6. ფინანსური ვალდებულებების დაკმაყოფილების რიგითობა

დავალიანების დაფარვის მიზნით ჩარიცხული თანხებიდან ვალდებულებები იფარება შემდეგი რიგითობით:

- (ა) რეგრესის თანხა;
- (ბ) პირგასამტეხლოს თანხა (მისი არსებობისას);
- (გ) პრემიის თანხა;
- (დ) დავალიანების მიღებასთან დაკავშირებული, დოკუმენტურად დადასტურებული საზღაურები და ხარჯები.

მუხლი 7. დავა და ზიანის ანაზღაურება

1. მხარეთა შორის ამ ხელშეკრულების საფუძველზე წამოჭრილი დავა წყდება მოლაპარაკებით. თუ შეთანხმება ამ გზით ვერ მიიღწა, მაშინ დავა გადაწყდება სასამართლოს მიერ, გარანტის ადგილსამყოფელის მიხედვით.
2. გარანტის მოთხოვნის სრულად დაკმაყოფილების შემთხვევაში პირველი ინსტანციის სასამართლო გადაწყვეტილება საბოლოოა და დაუყოვნებლივ მიყენდება აღსარულებლად.
3. თითოეული მხარე ვალდებულია, აუნაზღაუროს მეორე მხარეს მიყენებული ზიანი და გაწეული ხარჯები. პრინციპალის ვალდებულება სოლიდარულად ვრცელდება, ძირითადი ვალდებულების უზრუნველყოფის ნივთის შესაკუთრის და თავების მიერ გარანტისათვის მიყენებულ ზიანზე და პირქით.

მუხლი 8. ხელშეკრულების შეწყვეტა

1. ამ ხელშეკრულების ვადამდე შეწყვეტის საფუძველი შეიძლება გახდეს:
 - (ა) პრინციპალის მიერ პრემიის გადახდის ვალდებულების დარღვევა (გამოთხოვადი საბანკო გარანტიის შემთხვევაში);
 - (ბ) მხარეთა წერილობითი შეთანხმება, თუ ბუნეფიციარი წერილობით უარს იტყვის თავის საგარანტო უფლებებზე;
 - (გ) კანონმდებლობით გათვალისწინებული სხვა შემთხვევები.
2. პრინციპალის მიერ ამ ხელშეკრულების ცალმხრივად მოშლის შემთხვევაში იგი ვალდებულია, გარანტს სრულად გადაუხადოს სადაზღვევო პრემია.

მუხლი 9. ფორსმაჟორი

1. თუ ამ ხელშეკრულებით სხვა რამ არაა შეთანხმებული, მხარეები თავისუფლებიან ნაკისრი ვალდებულების სრული ან ნაწილობრივი შეუსრულებლობისთვის ფორსმაჟორის შემთხვევაში.
2. მხარე, რომლისთვისაც ფორსმაჟორის გამო შეუძლებელია ვალდებულების შესრულება, ფორსმაჟორის დადგომიდან ან შეტყობიდან 2 სამუშაო დღის ვადაში აცნობებს მეორე მხარეს ამის შესახებ, ფორსმაჟორის ფაქტი შემდეგ ობიექტურად უნდა დადასტურდეს.

მუხლი 10. შეტყობინებები

1. მხარეთა შორის ამ ხელშეკრულებიდან ან/და კანონმდებლობიდან გამომდინარე წებისმიერი შეტყობინება კეთდება წერილობით, რომლის მიწოდება უნდა მოხდეს ფაქსით, საკონტაქტო ელ. ფოსტით (იხ. მხარეთა რეკვიზიტები). საფოსტო გზავნილით, ხელზე ჩაბარებით ან მასობრივი ინფორმაციის საშუალებით გაკეთებული საჯარო შეტყობინებით. ხელშეკრულებაში მითითებული ელექტრონული ფოსტიდან მზღვეველისათვის გადმოგზავნილი წებისმიერი შეტყობინება წარმოადგენს დამზღვევის წებას და უთანაბრდება წერილობით მოთხოვნას. დამზღვევის არ გააჩნია უფლება მიუთითოს წების ნაკლებ და ელექტრონული შეტყობინების მიზნით გახადოს სადავო. იგივე პირობა ვრცელდება ელექტრონული ფოსტის მეშვეობით მოწოდებულ დოკუმენტის ნამდვილობაზე.
2. შეტყობინება საფოსტო გზავნილით ან ხელზე ჩაბარებულად ითვლება პრინციპალისათვის, მისი წარმომადგენლისთვის, თანამშრომლისთვის ან ოჯახის წევრისთვის მიწოდების შემთხვევაში. ელექტრონული შეტყობინება გაგზავნილია იმ მომენტიდან, როდესაც შეტყობინება გავა მხარის მფლობელობის არეალიდან.
3. თუ გარანტს ბუნეფიციარისგან იმ მომენტიდან, როდესაც შეტყობინება გავა მხარის მფლობელობის არეალიდან, დაუბრუნებლობის შემთხვევაში ჩათვლება, რომ პრინციპალი სრულად აღიარებს და ეთანხმება ბუნეფიციარის მოთხოვნას, და, შესაბამისად, გარანტს ენიჭება სრული უფლება, დაიკმაყოფილოს თავისი რეგრესული უფლება, მათ შორის, შესაბამისი უზრუნველყოფის რეალიზაციის გზით. აღნიშნულ შემთხვევაში გარანტი არ არის ვალდებული პრინციპალს, შესაკუთრეს ან თავდებს დამატებითი შეტყობინება გაუგზავნოს ნივთის იძულებით რეალიზებასთან დაკავშირებით.

მუხლი 11. კონფიდენციალობა

1. ყოველი მხარე ვალდებულია, მეორე მხარის წერილობითი თანხმობის გარეშე არ გაახმაუროს მეორე მხარის კონფიდენციალური/საიდუმლო ინფორმაცია, რომელიც მისთვის ცნობილი გახდა ამ ხელშეკრულებიდან გამომდინარე.
2. კონფიდენციალური/საიდუმლო არაა ინფორმაცია, რომელიც კანონმდებლობით საჯაროდ მიიჩნევა.
3. კონფიდენციალობის დარღვევად არ მიიჩნევა, თუ:
 - (ა) მხარე საჯაროდ ასახელებს მეორე მხარეს როგორც პარტნიორს;
 - (ბ) თუ გარანტი ინფორმაციას გადაზღვეველ კომპანიას, ბუნეფიციარს, ექსპერტს, გადაზღვევის ან/და (შესაძლო) ზიანის შესწავლა-რეგულირების მიზნით აწვდის.

მუხლი 12. დასკვნითი დებულებები

1. ამ ხელშეკრულებაში შეიძლება შევიდეს ცვლილებები მხარეთა წერილობითი შეთანხმებით. შეთანხმებული ცვლილების ამოქმედების დღიდან მხარეები ერთმანეთს შორის ანგარიშსწორებას ახდენენ განახლებული შეთანხმების მიხედვით.
2. ამ ხელშეკრულების რომელიმე დებულების გაბათილება არ იწვევს მთელი ხელშეკრულების ბათილობას. სპეციროების შემთხვევაში, ბათილი დებულება შეიცვლება კმედიით.
3. ამ ხელშეკრულებაში ცვლილების შეტანა დაიშვება მხოლოდ მხარეთა შორის ორმხრივი წერილობითი შეთანხმების საფუძველზე.
4. ეს ხელშეკრულება შედგენილია თანაბარი იურიდიული ძალის მქონე 2 ეგზემპლარად. ყოველ მხარეს თითო ეგზემპლარი გადაეცემა.

მხარეთა რეკვიზიტები და ხელმოწერები

გარანტი	სს არდი დაზღვევა	პრინციპალი	მ3ს N2 საგზაო საექსპლუატაციო სამმართველო
საიდ. კოდი:	404858631	საიდ. კოდი:	225372352
იურ. მისამართი:	საქართველო, თბილისი, ვაჟა-ფშაველას გამზ. №3	იურ. მისამართი:	საქართველო, ბოლნისის რაიონი, დ. აღმაშენებლის N60გ
ტელ.:	(+955 32) 2 10 10 10	ტელ.:	599 574890; 599 534261
ელ. ფოსტა:	office@ardi.ge	ელ. ფოსტა:	sagza02@gmail.com
მომსახურე ბანკი / კოდი:	სს ვითობი ბანკი, UGEBGE22	მომსახურე ბანკი / კოდი:	,
ანგარიშის ნომერი:	GE86VT660000808033608	ანგარიშის ნომერი:	3608000054
წარმომადგენელი:		წარმომადგენელი:	ლევან ჩაგალიშვილი
ხელმოწერა:		ხელმოწერა:	
ხელმოწერილი:		ხელმოწერილი:	
თარიღი:	03.10.2018	თარიღი:	03.10.2018